

## 下大雨的诗句

1.  
秋後风光雨後山，满城流水碧潺潺。烟云好处无多子，及取昏鸦未到间。  
——苏轼《追和子由去岁试举人洛下所寄九首暴雨初晴楼》
2.  
山晚云雾合，江秋风雨多。冯夷何事舞，楚水忽翻波。黯黯夕阳尽，翩翩暮鸟过。轻舟送两桨，闻唱石城歌。  
——刘敞《暴雨》
3.  
天津赫日欲焦拆，西北风来斗减威。太帝宫庭无暑入，大明冠佩退朝归。  
泠泠冷袭琉璃簟，奕奕凉翻翡翠帏。交扇不须烦素手，淋漓谁复汗频挥。  
——梅尧臣《依韵阁中孚职方暴雨幸凉》
4.  
雨霁风光，春分天气，千花百卉争明媚。画梁新燕一双双，玉笼鹦鹉愁孤睡。  
薜荔依墙，莓苔满地，青楼几处歌声丽。蓦然旧事上心来，无言敛皱眉山翠。  
——欧阳修《踏莎行》
5.  
春阴垂野草青青，时有幽花一树明。晚泊孤舟古祠下，满川风雨看潮生。  
——苏舜钦《淮中晚泊犊头》
6.  
西塞山前白鹭飞，桃花流水鳜鱼肥。青箬笠，绿蓑衣，斜风细雨不须归。  
——张志和《渔歌子·西塞山前白鹭飞》
7.  
柳外轻雷池上雨，雨声滴碎荷声。小楼西角断虹明。  
——欧阳修《临江

仙·柳外轻雷池上雨》

8.  
飒飒松上雨，潺潺石中流。——王维《自大散以往深林密竹磴道盘曲四五十里至黄牛岭见黄花川》

9.  
游人脚底一声雷，满座顽云拨不开。天外黑风吹海立，浙东飞雨过江来。十分潏潏金樽凸，千杖敲铿羯鼓催。唤起谪仙泉洒面，倒倾蛟室泻琼瑰。——苏轼《有美堂暴雨》

10.  
苍龙挂东南，天矫擎万仞。虽然杂云气，爪尾略可认。明日暴雨来，继以雷大震，平地成江河，吞卷才一瞬。吾庐久倾坏，不压真堊堊。所欣憔悴中，一饱天不吝。余功到场圃，草木皆绿润。萧然岸角巾，三叹抚庭楯。——陆游《暴雨》

11.  
坳堂方笑芥为舟，骤雨俄惊汇众流。天漏不知何处补，地卑转觉此生浮。会须击水扶摇上，政想乘风汗漫游。宦海陆沉聊尔耳，诗人休咏白蘋洲。——虞俦《和鲍倅暴雨大水之作》

12.  
屏风围坐鬓毵毵，绛蜡摇光照莫酣。京国多年情尽改，忽听春雨忆江南。——虞集《听雨》

13.  
咸阳桥上雨如悬，万点空濛隔钓船。还似洞庭春水色，晓云将入岳阳天。——温庭筠《咸阳值雨》

14.  
杨柳阴阴细雨晴，残花落尽见流莺。春风一夜吹香梦，梦逐春风到洛城。——武元衡《春兴》

15.

独怜幽草涧边生，上有黄鹂深树鸣。春潮带雨晚来急，野渡无人舟自横。  
。——韦应物《滁州西涧》

16.

屈指数春来，弹指惊春去。檐外蛛丝网落花，也要留春住。几日喜春晴，  
几夜愁春雨。十二雕窗六曲屏，题遍伤心句。——高观国《卜算子·  
泛西湖坐间寅斋同赋》

17.

掣电奔雷晦霭间，崩腾白雨袭人寒。颓山黑雾倾浓墨，倒海冲风泻急湍。  
。势似阳侯夸海若，声如项籍破章邯。炎歊一濯须臾耳，已看天围碧玉  
宽。——朱之才《暴雨》

18.

邵州正月风气殊，鹑尾之南更山坞。昨日已见三月花，今夜还闻五更雨。  
。笈与天公一破颜，走避北狄趋南蛮。梦到龙门听涧水，觉来檐溜正潺潺。  
。——陈与义《正月十二日至邵州十三日夜暴雨滂沱》

19.

竹柏风雨过，萧疏台殿凉。石渠写奔溜，金刹照颓阳。鹤飞岩烟碧，鹿  
鸣涧草香。山僧引清楚，幡盖绕回廊。——李正封《夏游招隐寺暴雨晚  
晴》

20.

春雨楼头尺八箫，何时归看浙江潮？芒鞋破钵无人识，踏过樱花第几桥  
？——苏曼殊《本事诗十首·选二》

21.

漫漫平湖接远天，濛濛细雨湿轻烟。野桥横著草深外，何处渡头人上船  
。——楼钥《春雨》

22.

清明时节雨纷纷，路上行人欲断魂。小楼一夜听春雨，深巷明朝卖杏花

。——杜牧《清明》

23.

柳着轻黄欲染衣，汀沙漠漠草菲菲。晓风吹断寒烟碧，无数鸳鸯溪上飞。  
。——徐玑《春雨》

24.

谷鸟时一啜，田园春雨馀。——韦应物《春日郊居寄万年吉少府中孚、  
三原少府伟、夏侯校书审》

25.

裂石惊雷发，崩天暴雨翻。乍来云却散，初歇峡逾喧。浴鸟冲洪沫，浮  
槎出水源。物情诚待辨，予意欲无言。——宗远崖《暴雨后观峡流》

26.

负固骄阳不忍回，执迷凉意误惊猜。倾盆雨势疑飞瀑，揭地风声帮迅雷。  
。阶下决明添意气，庭前甘菊胜胚胎。可怜岁事今如此，麦垅蔬畦尚可  
培。——曹彦约《秋分后十日得暴雨》

27.

庭际游鱼似百蛮，疏篱无复障青山。终朝骤雨防天漏，却见松梢月半弯。  
。——马一浮《暴雨坏篱，庭中积潦成泽，雨过口占》

28.

春雨足，染就一溪新绿。柳外飞来双羽玉，弄晴相对浴。楼外翠帘高轴  
，倚遍阑干几曲。云淡水平烟树簇，寸心千里目。——韦庄《谒金门》

29.

一寸柔肠情几许？薄衾孤枕，梦回人静，彻晓潇潇雨。——惠洪《青玉  
案·丝槐烟柳长亭路》

30.

斜阳外，春雨足，风吹皱一池寒玉。画楼中有人情正苦，杜鹃声莫啼归  
去。——李致远《落梅风·斜阳外》

31.

二月春花厌落梅。仙源归路碧桃催。渭城丝雨劝离杯。——晏几道《浣溪沙·二月春花厌落梅》

32.

连朝雨骤驱春去，瓦注盆倾。不记初春。润柳催花忒有情。春光解有重来日，宁耐休争。待得秋深。听你无聊点滴声。——赵师侠《采桑子（三月晦必东馆大雨）》

33.

云薄风回雨点麤，日腥土气随吸呼。蒸然袭汗犹挥珠，屋瓦裂响波生渠。森森斗觉凉侵肤，毛根癩疹粟匝躯。已知燠寒变须臾，雷电不止投笑壶。槐端漏影日向晡，马蹄莫惜行泥涂。——梅尧臣《暴雨》

34.

黑云翻墨未遮山，白雨跳珠乱入船。卷地风来忽吹散，望湖楼下水如天。——苏轼《六月二十七日望湖楼醉书》

35.

细雨斜风作晓寒。淡烟疏柳媚晴滩。——苏轼《浣溪沙·元丰七年十二月二十四日从泗州刘倩叔游南山》

36.

云里帝城双凤阙，雨中春树万人家。——王维《奉和圣制从蓬莱向兴庆阁道中留春雨中春望之作应制》

37.

濛濛烟雨网春晖，南陌清明二月时。细草藏泥供燕子，好花藏蜜待蜂儿。——李弥逊《春雨》

38.

风递残香出绣帘，团窠金凤舞檐檐，落花微雨恨相兼。——孙光宪《浣溪沙·风递残香出绣帘》

39.

春雨涨微波，一夜到彭城。——苏轼《罢徐州，往南京，马上走笔寄子由五首·古汴从西来》

40.

昨日占天色，心知有异同。甫能湖水绿，不合晓霞红。龙挟滂沱过，蝇惊霹难雳。斯须即开霁，共快楚台风。——方回《二十五日庚辰连作暴雨即霁》

41.

黑云如龙爪，白雨如博棋。老屋处处漏，此夕将何之？岂惟移床避，殆欲悬釜炊。扰扰舍中人，具食不以时。儿女乃可怜，赤脚啼午饥。语儿姑少忍，开霁会有期。——陆游《暴雨》

42.

执热卧北窗，淋漓汗流注。蛟龙遁水府，谁起叩天户。偶然终日风，振扰北山雾。崩腾转相轧，变化不容睹。雷声运车毂，雨点倾豆黍。逡巡溜河汉，指顾才笑语。破屋少干床，茅苫固难御。出门泥没足，此厄比邻溥。苟令终岁熟，敢有今日怒。晚照上东轩，清风袭虚庑。微生免荷锄，但喜脱烦暑。农父更事多，缺塘已增土。——苏辙《和韩宗弼暴雨》

43.

春鸠鸣野树，细雨入池塘。潭上花微落，溪边草更长。梳风白鹭起，拂水彩鸳翔。最美归飞燕，年年在故乡。——李德裕《忆平泉杂咏·忆春雨》

44.

苦竹林边芦苇丛，停舟一望思无穷。青苔扑地连春雨，白浪掀天尽日风。忽忽百年行欲半，茫茫万事坐成空。此生飘荡何时定，一缕鸿毛天地中。——白居易《风雨晚泊》

45.

一犁春雨润新田，小犊还宫老牯眠。笑摘园蔬漉村酿，夜灯儿女说丰年

。——朱曜《喜雨》

46.

安得广厦千万间，大庇天下寒士俱欢颜，风雨不动安如山。——杜甫《茅屋为秋风所破歌》

47.

翠葆参差竹径成。新荷跳雨泪珠倾。曲阑斜转小池亭。——周邦彦《浣沙溪·翠葆参差竹径成》

48.

风怒欲掀屋，雨来如决堤。孤灯映窗灭，羈鸟就檐栖。暑令方炎赫，秋声忽惨凄。传闻涨江水，已断灊东西。——陆游《暴雨》

49.

暴雨生凉。做成好梦，飞到伊行。几叶芭蕉，数竿修竹，人在南窗。傍人笑我恹惶。算除是、铁心石肠。一自别来，百般宜处，都入思量。——杨无咎《柳梢青·暴雨生凉》

50.

夜雨淋漓晓不收，出门溪涧逐波流。呼童几候重萝径，应有山阴访戴舟。——王渐逵《暴雨涨街柬伦樾溪》

51.

半世交亲随逝水，几人图画入凌烟？春风春雨花经眼，江北江南水拍天。欲解铜章行问道，定知石友许忘年。脊令各有思归恨，日月相催雪满颠。——黄庭坚《次元明韵寄子由》

52.

土膏欲动雨频催，万草千花一饷开。舍后荒畦犹绿秀，邻家鞭笋过墙来。——范成大《春日田园杂兴》

53.

好雨知时节，当春乃发生。随风潜入夜，润物细无声。野径云俱黑，江

船火独明。晓看红湿处，花重锦官城。——杜甫《春夜喜雨》

54.

雨里鸡鸣一两家，竹溪村路板桥斜。妇姑相唤浴蚕去，闲看中庭栀子花。  
。——王建《雨过山村》

55.

拔尽新秧插尽田，出城一眼翠无边。不关雨水愁行客，政是年年雨水天。  
。——杨万里《明发三衢》

56.

长风卷地驱炎暑，暴雨翻空送晚凉。只此蚊蝇俱扫迹，不须迢递待秋霜。  
。——陈渊《通州夏雨》

57.

暴雨逐惊雷，从风忽骤来。浪驱三岛至，江拆二仪开。势恐圆枢折，声疑厚轴摧。冥心问元化，天眼几时回。——薛逢《大水》

58.

溽暑炎炎太可憎。居然一洒洗秋清。轰雷如鼓心多壮，闪电余波胆转惊。  
。银匹练，玉横鲸。檐倾屋漏若为情。楼前十丈龙湫泻，彷彿庐山瀑布声。  
。——吴湖帆《鹧鸪天·暴雨》

59.

怅卧新春白袷衣，白门寥落意多违。红楼隔雨相望冷，珠箔飘灯独自归。  
。远路应悲春晼晚，残宵犹得梦依稀。玉珰缄札何由达，万里云罗一雁飞。  
。——李商隐《春雨》

60.

春雨细如尘，楼外柳丝黄湿。风约绣帘斜去，透窗纱寒碧。美人慵翦上元灯，  
弹泪倚瑶瑟。却上紫姑香火，问辽东消息。——朱敦儒《好事近·春雨细如尘》

61.

论诗春雨夜，解手藕花初。——杨万里《辛卯五月送丘宗卿太傅出守秀州二首·老矣渠怜我》

62.

檐声滴碎玉阑干，开尽梨花亦懒看。燕子不归人寂寞，深深宫殿锁春寒。  
。——黄庚《春雨词》

63.

春未老，风细柳斜斜。试上超然台上看，半壕春水一城花。烟雨暗千家。  
。寒食后，酒醒却咨嗟。休对故人思故国，且将新火试新茶。诗酒趁年华。  
。——苏轼《望江南·超然台作》

64.

电尾烧黑云，雨脚飞银线。急点溅池心，微烟昏水面。气凉氛祲消，暑  
退松篁健。丛蓼亚赭茸，擎荷翻绿扇。风期谁与同，逸趣余探遍。欲去  
更迟留，胸中久交战。——韩偓《暴雨》

65.

风如拔山怒，雨如决河倾。屋漏不可支，窗户俱有声。——陆游《大风雨中作》

66.

风驱急雨洒高城，云压轻雷殷地声。雨过不知龙去处，一池草色万蛙鸣。  
。——刘基《五月十九日大雨》

67.

一夕轻雷落万丝，霁光浮瓦碧参差。有情芍药含春泪，无力蔷薇卧晓枝。  
。——秦观《春日》

68.

莺初解语。最是一年春好处。微雨如酥。草色遥看近却无。休辞醉倒。  
花不看开人易老。莫待春回。颠倒红英间绿苔。——苏轼《减字木兰花》  
》

69.

雨前初见花间蕊，雨后兼无叶底花。蛺蝶飞来过墙去，却疑春色在邻家。  
。——王驾《雨晴》

70.

蒙蒙膏雨远空迷，点滴圆纹水绕堤。柳带喜如和醉舞，花房愁似宿妆啼。  
。烟笼麦陇连天阔，云映渔舟掠岸低。廉使解分天子念，一篇骚雅慰蒸黎。  
。——徐铉《和金州钱太守春雨》

71.

春风倚棹阖闾城，水国春寒阴复晴。细雨湿衣看不见，闲花落地听无声。  
。日斜江上孤帆影，草绿湖南万里情。东道若逢相识问，青袍今日误儒生。  
。——刘长卿《别严士元》

72.

怒雷破壁雨连天，舟子魂惊乱泊船。一抹顽云浓似墨，挟风飞渡万山巅。  
。——萧梦霞《暴雨》

73.

湿云连地起，拔树雨风狂。顷刻池塘满，虹霓照晚凉。——谢龙升《暴雨》

74.

江村入夏多雷雨，晓作狂霖晚又晴。波浪不知深几许，南湖今与北湖平。  
。——韦庄《暴雨》

75.

寸恨谁云短，绵绵岂易裁。半年眉绿未曾开。明月好风闲处，是人猜。  
。春雨消残冻，温风到冷灰。尊前一曲为谁哉。留取曲终一拍，待君来。  
。——苏轼《南歌子·感旧》

76.

去年今日关山路，细雨梅花正断魂。——苏轼《正月二十日往岐亭郡人潘古郭三人送余于女王城东禅庄院》

77.

柳丝长，春雨细，花外漏声迢递。惊塞雁，起城乌，画屏金鹧鸪。香雾薄，透帘幕，惆怅谢家池阁。红烛背，绣帘垂，梦长君不知。——温庭筠《更漏子》

78.

土膏欲动雨频催，万草千花一饷开。舍后荒畦犹绿秀，邻家鞭笋过墙来。——范成大《四时田园杂兴》

79.

去郭轩楹敞，无村眺望赊。澄江平少岸，幽树晚多花。细雨鱼儿出，微风燕子斜。城中十万户，此地两三家。——杜甫《水槛遣心》

本文链接：<https://duanjuziku.com/duanjuzi/cpyujv2mcn.html>